

猶龍傳卷之三

敬七

老君聖真靈寶齋齋常侍其帝書其編

降生年代

電統于樞龍戲于門皆聖人誕世之時也非其時而不誕非其聖而不異故叔梁禱尼丘而有感斯其時也姜嫫棄后稷而無損斯其異也歷觀前聖大率皆此類然其間歲時之差先後之別往往無一定之論固亦有之矣唯老氏降世之迹昭昭然載之藏室與夫先儒傳記有可考因而次之庶無惑于來世也

老君應時洞弊欲反神降生以商第十八王陽甲十七年庚申之歲託孕於玄妙玉女至降生凡有二十一事第一大道應化託孕人間化日精為五色之珠此明陽德也第二駕九龍之車凝結變化五色交輝流入玄妙玉女口中此明九龍陽清之華也今有流星壇在亳之城父縣天靜宮也第三託胎寄惠與前聖不同八十一年極太陽九九之數然後降生第四玄妙玉女以晝寢夢吞五色流珠因而有娠容顏益少神炁安閑八十一年悅

豫無比此明聖人降跡之異也第五玄妙所居之室四時和暢六氣調平冬無凝寒夏無煩暑祥光照室靈風滿庭眾惡不侵萬靈潛衛八十一年不覺為父當商二十二王武丁九年庚辰歲降生也第六降生迥異前聖雖依聖母之孕乃剖左腋而生也第七降生之時登行九步步生蓮花陸地芬芳大彰神異第八降生日童揚輝月妃散華七元流景祥雲廣庭四靈翊衛玉女捧接聖母因攀李枝忽爾降生矣第九降生萬鶴翔空九龍吐水以浴聖姿龍出之地因成九井于今在亳州衛真縣太清宮也每汲一井則九井皆動第十老君降生之後左手指天右手指地曰天上天下唯道為尊世間之苦何足樂聞第十老君應時澆薄大道不行委迹生神以救於世第十二以愚迷難化正道難宣降生之時故顯殊祥令人信悟第十三欲明妙道悟即長生故鍊金丹以勸修習今宮中有鍊丹井并檜存焉第十四老君教人學道內外俱修既鍊金丹又習真炁今有虛無堂歷代完

治尚存即老君習炁之所也第十五明此妙道修之必得昇天示彼功成乘鹿輕舉而去今宮中有鹿跡檜即老君乘白鹿昇天之所其檜見存焉第十六老君降生年代即商武丁九年庚辰歲二月十五日是也第十七降生郡國即古之楚國苦縣苦縣因城為名瀨鄉以水為號曲仁里在九井之西靈溪之側其縣本名苦縣漢魏以來名穀陽縣乾封元年改為真源縣中和二年昇為赤縣今為衛真縣第十八老君降生之後九日之中身長九尺七十二相八十一好如踏五把十美眉方口雙柱三漏日角月淵之類此大聖之相也第十九聖母誕生老君之後衆八景玉輿羣仙侍衛白日昇天大唐追尊為先天太后今有宮曰洞霄在衛真縣太清宮之北一宮在樓觀昇天臺上第二十老君昇天後歷代帝王欽慕真跡周穆王秦始皇漢桓帝隋文帝皆崇修宮廟命文臣刊碑以旌聖迹故漢有蓬韶碑隋有薛道衡碑于今並在第二十一彰聖號者老君仙胎寄惠八十一年誕聖

之辰生而白首聖母爲之立號以示世人於此門中又分五事第一聖人降迹與俗不同聖母欲謂之老又是初生欲謂之子又乃白首兩字兼稱因立老子之號第二明道與俗反夫老者長年之稱子者幼稚之號世人先幼而後老老君先老而後幼欲明攝迹還本也第三老者以考校衆聖爲名子者以孳生萬物爲義所以老君爲萬物之父母衆聖之師法故有考校孳生之名以爲老子之號老子二字起於此時老君之名先於德劫也第四聖人垂名反終歸始老者終也子者始也世人先始而後終老君先終而後始欲令世人修道反老還嬰故號老子也第五委迹和老以徇於世老者以生而白首故號爲老子者男子之通稱亦如孔子孟子莊子列子等以姓爲號如老子騶冠子抱樸子淮南子因事爲號序訣云老子之號始於無數之劫其者者冥冥眇邈久遠非以降生老而爲號也長於德劫之前故以老爲號示夫託神李母剖左腋而生生即皓然故號老子老子之

號因元而出在天地之前無衰老之期故曰老子此序訣之證如此今詳衆說既不以因生立號即是老君歷劫垂教應世表形常現老容故有老子之號爾後之人有謂生於周時此蓋秦始皇焚書之後史書紀其大槩世人以其當文武平敬幽厲之時行化於周安云周時生耳其實在商也若生於平敬幽厲之日又安得與文王武王爲史官邪故薛道衡太清碑云貞元當文王武王之時居藏史柱史之職此乃實錄也今按關尹老君本紀太和真人樓觀內傳劉向列仙傳皆云商武丁庚辰生是也

明宗緒

史記之有帝紀世家即此所謂宗緒者同也皆推究其先或以封或以官而得其氏故其嗣分枝列派各有根源所以涉千萬禩猶視諸掌其可置邪謹按老君內傳及諸史皆云生於李木之下自指李以爲姓斯爲定矣今按大唐天潢玉譜云額帝之後生大業大業生媧媧娶有喬氏之女感月光貫昂而生答

蘇答蘇生伯翳伯翳之後世爲士師至里成避禁之亂遁居伊侯之墟食李實乃改爲李氏此言答蘇之後以理獄爲功遂姓理氏其後子孫或改里氏至伊侯之墟避難遂改里爲李也成生利正當商湯之時利正生昌祖昌祖仕陳爲大夫因居苦縣昌祖生明明爲陳相華瀨鄉之北立廟因有相城明生慶賓慶賓生靈飛一名慶會慶賓靈飛皆白日昇天所言陳國乃古之陳國非周時所封胡公滿之國也今按湯至陽甲一十八王二百五十餘年自李成至慶會五世相承年代相類當此之時大辟之後已爲陳國及周封舜後當是此陳既滅乃封胡公而王其地也靈飛之妻玄妙玉女感日精之夢而生老君此一說也又按本記云老君生而能言指李木曰此我姓也隋內史舍人薛道衡老君祠庭碑云感日載誕莫剛受炁之由指李爲姓木詳吹律之本是也又樓觀先生傳云老君因聖母攀李木而生謂曰此汝姓也三家之說經傳備載今並明之以彰聖人宗緒矣聖母者

按玄中記云李靈飛當商之時父子相承得
 修生之道父慶賓年百餘歲常有少容周遊
 五嶽諸山一旦於所居雲龍下迎曰日昇天
 靈飛感父飛昇之異深隱不仕內修大道以
 天水尹氏之女為妻居於瀨鄉其妻嘗因晝
 寢夢天開數丈衆仙捧日出良久見日漸小
 從天而墜化為五色之珠大如彈丸夢中得
 而吞之因而有孕八十一年容色益少常若
 處女靈飛亦百餘歲而昇天既誕生老君之
 後即有五色雲輿迎之昇天然李姓所起又
 按玄妙玉女君內傳云老君在天為衆聖
 之尊在世為萬教之主先億劫而行化後無
 為而常有故天尊道君賜其真號曰老君即
 在五太之前至于歷劫有此號矣雖世世應
 見為帝者師而未有降世誕生之跡乃於九
 清之上命玄妙玉女降於人間為天水尹氏
 之女嫁李靈飛為妻玄妙晝寢老君乃乘日
 精駕九龍化為五色流珠下入口中託孕而
 生既生乃指李曰此吾姓也在世凡有九名
 一名耳字伯陽二名雅字伯宗三名忠字伯

光四名石字孟公五名重字子文六名定字
 元陽七名元字伯始八名顯字元生九名德
 字伯文或云三十六號或云七十二名或云
 姓字眇眇從劫至劫非可悉記老君有九變
 以法太陽變化生育之功有七十二相八十
 一好故為聖中之聖真中之真矣聖母在天
 即號玄妙玉女既誕育大聖即為太一元君
 元君乃授老君化世行教之旨內修九室三
 一之門萬善萬惡之戒百病百藥之訣虛無
 清靜之規九并餌鍊之品將以示世人有師
 資授受之法然太上天聖為萬化之主豈假
 稟學乎此聖聖相承表有所自也受道既畢
 即有天樂駭空流雲霧野千乘萬騎五帝上
 真擁九光八景之輿迎聖母元君歸于玉清
 之上至今為太一元君唐朝尊為先天太后
 詳諸家所載聖母本起即玄妙玉女為老君
 之母證太一元君事跡為勝也所言降生年
 代以高武丁時為是自餘諸說外誤不同前
 後差謬今載而不取也

七十二相八十一好

伏羲蛇身神農牛首堯眉八彩舜眉重瞳皆
 大聖之勝相所以為異也故老氏挺生妙玄
 奇特希有古今列聖莫之敢擬所以為非常
 也古人有言曰有非常之人然後有非常之
 事故能出香入冥變化不測推其勝相而具
 九九之數也謹按法輪經云老君頭圓法天
 頂象崑崙伏晨盤鬱玉枕隆起皓髮如鶴長
 七尺餘虎鬚龍鬚素潔如絲眉如北斗色如
 翠綠其間紫毛長五寸餘耳無輪郭中有三
 漏高平於頂厚而且堅河目鏡徹日精紫光
 方童秀明規中綠筋鼻有雙柱形如截筒口
 方如海唇如激丹烝有紫色其香若蘭齒如
 合貝其堅若銀數有六八上下均平舌長且
 廣形如錦文玉泉克溢其味甘香每發妙言
 聲如金玉頰似橫隴頤若平丘籠籠日角隱
 隱月淵犀文直理龍顏神變金容黃色玉波
 潤顏頰有三理參午上達天庭手填元面壽
 臉腹有白誌頤有玉丸項有三約鶴素昂昂
 垂臂過膝手把十文指有五甲身有絳毛背
 有河魁骨有偃骨心有九孔外有錦文膺深

一寸腹軟如綿脚方如矩雙躡法輪足踏二
五指有乾坤內滋白血外示老容身長丈二
徧體芬郁行如虎步動若龍趨右此七十左
扶青龍右衛白虎頭生朱雀足履玄武身若
金堅貌同紅玉圓光五明頭上紫炁貫前真

字右此九好兼前七十
二相合八十一好也

為柱史

司馬季主云道高蓋安勢高蓋危誠哉是言
也且孔子之作大夫漢祖之為亭長其志存
乎康濟與夫行道宣擇事而進之者邪苟有
耻位之卑祿之薄而與崇高者抗行則適足
以自遺其咎奚能成聖德而垂之來世與天
地齊其長久也故老氏之降迹亦若此而已
矣文王為西伯時號燮邑子時帝辛荒虐天
下塗炭乃乘飛颿之輪以風伯前驅彭祖暨
乘降岐山之陽西伯聞之拜為守藏史作赤
精經教以仁信之道周行之禮賢好義麟鳳
交集武王克商號育成子遷柱下史作璇璣
經又以道授周公也成王時為師號經成子
康王時為師號郭叔子復為柱下史潛龍卑

秩以緩周道昭王時太上復命老君開化西
極因而遷官又以上下二篇授關尹自三皇
五帝以來帝帝為師方設化布七十二系
傳其要經修之皆延年益壽然自開闢之始
劫數之終或出或處不可以一端窮也

去周

邦有道則見邦無道則隱古今聖賢之所同
也推其去就治亂隱則山世進則致君撫運
退則高飛深潛而況博大真人一死生垂天
地同荒蕩混神明遊道遙之墟握造化之柄
邪其入也并兼六合無內外焉其出也酬酢
萬物無小大焉或曰老氏聖人官不過乎柱
史而已斯世俗之見也南華真人曰道之真
以治身緒餘以為國家士其以治天下聖人
知其所以治身故以形骸為逆旅而緒餘土
苴安足以嫌其情故進退得失皆我也迫而
後動不得已而後起而豈固有之邪太上以
紂王二十一年丁卯歲居岐山之陽因為守
藏史武王克商遷為柱下史歷成康之世乃
託疾退官至昭王二十五年癸丑歲五月二

十九日壬午乘青牛薄輦車徐甲為御而去
周青羊宮記云歷藏史以同塵弃柱史而隱
迹東離魏闕西度函關乘青牛宛轉之車駕
白鳳逍遙之輦徐甲執御從仙帝以爰來尹
喜瞻風知道君之必至者是也

試徐甲

聖人運慈與感以度人濟物為心而豈擇卑
高貴賤遠近幽顯皆一而已矣故受其賜者
紛紛然莫知其紀且古之人一飢之恩必報
又况濟以生而負其約人情固且不容豈神
明之所可容哉昔有御太上車者姓徐名甲
老君謂曰吾欲往西海大秦廟賓天茲安息
諸國今汝御車與汝顧直日百錢候諸國還
以黃金頓償甲如約御車至函谷關老君欲
試之乃令甲牧青牛于野以吉祥草化一女
子姿容絕整行及牧牛之所輒戲以言甲感
之以老君欲遠適沈沙必不及遠廢約矯辭
詣關令訟老君索顧金老君曰汝隨吾已二
百餘歲當還汝七百二十萬錢且汝昔已命
盡吾以太玄生符投之即再活汝莫不念此

言訖符自口中飛出至老君前文篆如新甲復化為白骨關令憫甲違心復死復欲觀老君起死之術因稽首于前曰甲之願直喜報代還願大聖哀矜赦其罪戾賜以更生老君納關令之言即再以符投枯骨中復如故老君曰吾不責汝汝負本約而道自去汝故死遂給願直欲遣之甲伏地搏頰曰已沐聖慈曲赦罪戾今此枯骨復見光明刻骨銘心願從雲駕太上竟弗許

度關試關令

險於山川難於知天者人心也故善之與惡莫能彷彿其萬分之一所以古之授道術者凡二十五試將以格量其可否大率雖有行業之至而心或非故假試以定其內外然後而授之可矣至于老莊之道亦然徒知其言而心實無所得亦非所謂造見獨之妙故孔子之於門人曰如有所譽必有所試又況夫冥妙之道神仙之術邪謹按內傳云老君以昭王二十五年癸丑五月壬午去周隱居尋欲西之流沙以化異俗乃有紫炁西度函谷

關昭王大夫尹喜喜觀乾象知有聖人特度關乞出為關令乃齋戒夾道焚香掃洒以候馬七月十二日老君駕青牛之車徐甲為御無極先生鬼谷先生太極先生從馬西度關時關令先諭關卒抹景云若有車服異常形容殊俗者勿聽過至七月十二日甲子果有一老人皓首聃耳乘薄鞵駕青牛而至關卒曰明府有教願翁少留於是入曰有一老翁乘青牛車從東來求度喜曰聖人來矣我當見之即加朝服出迎具弟子禮而邀之曰願聖人暫留神駕老君謝曰吾貧賤老翁家在關東田在關西今暫往何故見留幸相聽度吾無所取勞于懇倒若斯有悞展敬耳老君如此謙辭此一試也喜復稽首曰竊謂非往西莊願暫留神駕老君又曰吾聞導竺乾有古先生善人無為不終不始水劫綿綿是以昇就道經歷關于何妄留邪此二試也喜又曰今親聖人真姿起絕乃天上至尊何遠矣可往觀手願不託言少垂哀愍老君又曰子以何所見而知之喜答曰去冬十月天理

星西行過昴今又自秋朔融風三至加之東南真炁狀如龍蛇而西度此真人之驗也喜少好天文秘緯凡仰觀俯察未嘗不驗昨乾象如此當有聖人度關自爾已來夙夜存思未嘗暫懈今似有道緣果遇神駕願垂慈誨開濟沈冥老君以其三試之皆過乃怡然含笑曰吾知子與道有緣故來相試且子之知吾吾亦知子矣如此三反覆然後聽喜而前故四皓云觀老氏與尹生豈不冥悟先機邪而執謙辭者欲教世耳關令於是設座官舍行弟子禮北面而事焉老君曰汝欲為世傳洪大道乎喜曰大聖將隱乞為喜著書於是遂授喜道德二篇故史記云五千餘言是也司馬遷言為陰陽者繁而致惑為儒者博而多慮為墨者苦而傷性為名者華而少實為法者酷而薄恩唯老氏之教稱為大道焉清虛無為使精神專一動合無形瞻足萬物其為術也與時遷移應物變化無所不宜指約而易操事少而功多其實易行其辭難知以虛無為本以因循為用無成勢無常形故能

救萬物之情不為物先不為物後故能為萬物之主是以先黃老而後六經獨歎道家為清尚函谷關今陝州桃林縣南十二里是也天寶初因獲靈符改為靈寶縣真宗御製度關銘并序夫聖達之心無適無莫神化之迹或暗或彰儻遺烈之昭然即生民之仰止函谷關者老子西昇之堂也若夫含真上德闡教強名居藏室以棲真涉流沙而匿影仲尼問禮既吐於微言尹喜授經復占於真炁斯並存之前載播厥方來若乃萬壽之年至神之道臻手妙有豈易彈云踐華之郊疏河之境仙馭所歷車轍如存揭以闢梁見靖函之阻紀斯縣邑彰靈寶之休所謂人往而教存世殊而地久朕恭祠坤載因舉時巡淵默之風永懷於瞻望清靜之治靡捨於宗師將振清塵俾刊翠琰銘曰教父潛真神龍比德方事神遊爰符默識聖言聿昭生民為則載望函關永存轍迹玄妙無疆清輝罔極齋輅云經真珉乃刻是歲大中祥符三年也

授關令道德二經

聖人之立教形于竹帛得其人則授繫辭曰苟非其人道不虛行是也黃石公以素書授子房而致大漢之有天下況老氏之教清虛無為贍足萬物而治身治國之道而盡於斯蓋關令宿有道德緣而獲躬受也關令周大夫也姓尹名喜字陽公一云字公文母董寢夢天降電繞其身須臾入口因而有娠遂生喜既生有雙光若日飛遊其側目有日精姿形端偉博通墳典之外善天文秘緯仰觀俯察莫不洞審雖鬼神之變無以匿其情而大度恢傑不修俗禮慈儉博愛損身濟物入為東宮賓友出補函谷關令每望霄漢而有昇虛之思老君未至關喜結草為樓登臨四望見東方有紫雲西邁知有真人度關乃戒嚴門吏掃洒焚香以俟感應至七月十二日甲子老君至關喜擊鼓由奉遽就舍進中櫛盥漱齋戒問通至十二月二十五日挂冠不仕二十八日授道德二篇太上欲西徂流沙喜叩頭請侍行老君曰汝未得道惡能隨吾夫流沙異域穢俗難化汝何術可御唯生道入腹

則神明皆存汝能除垢止念靜心守一千日清齋鍊形入妙則可尋吾於蜀郡青羊肆喜唯唯而謝老君怒然舟舟昇入太微蓋太上下化於世上居太微宮勾陳中號曰天皇大帝輝魄實是也喜候光景斯散形舉著寂迺清齋屏絕葷醢研味真經精思十日存三一於三宮洞九思於九室心凝形釋骨肉都融已而窮數達變之微因形移易之妙無不盡之矣仍授喜金液九丹之術又授太清八符觀天九都神丹金液等經形一神萬食氣之旨五牙真氣之要歸終南之陰結草為樓今在鳳翔終南山盤屋縣神龍鄉聞仙里有草樓即尹真之故宅謂之樓觀者高存焉周穆王再加修飾秦始皇建祠守於其前漢武帝立宮館于其北晉魏以來謁板猶在今有始皇御製云大道汎兮其可左右老君去則西遊返則東顧朕方有事遠瀛望垂影獨貞觀二年勅改賜宗聖觀尹喜遂飄然往青羊肆復遇太上

猶龍傳卷之三